

全民台語認證模擬試題 網路版

（Kan-tann 提供個人使用，若欲公開使用，請事先取得書面 ê 授權）

網路版模擬試題 kan-tann 提供題型 ê 範例，若欲 ài 完整 ê 模擬試題 kap 認證相關 ê 參考資料，請購買《全民台語認證導論》或者是國立成功大學台灣語文測驗中心編著 ê 出版品。



Testing

Center for Taiwanese Languages

NCKU

1. 閱讀測驗 模擬試題

(a) 詞彙 kap 語法測驗 (b) 閱讀理解

本節測驗時間：70 分鐘。

配分：每題 3 分，攏總 180 分。

Ti 這個測驗內底，分做「詞彙 kap 語法測驗」、「閱讀理解」2 種題型，攏總 60 條單選題。

「詞彙 kap 語法測驗」有 36 條單選題；「閱讀理解」有 8 篇文章，每 1 篇文章有 3 個問題，攏總 24 條單選題。

單選題 kan-tann 有 1 個較符合台語語法、語意 kap 語用 ê 上適當 ê 答案。請考生 kā 答案用 2B 鉛筆劃 tī 答案紙卡頂頭正確 ê 空格仔內底。

答 tiòh 1 條 tiòh 3 分，毋 tiòh 1 條扣 1 分，無做答 ê 題目無 tiòh 分嘛無扣分，若是 bē 曉 ê 題目請 mài 做答。

(a) 詞彙 kap 語法測驗

1. 「阿發 _____ 阿財 2 公斤重 niā-niā。」請問空格仔內揀 tó 一个上適當？
(A) kap (B) 比 (C) hām (D) 加
2. 「阿爸禮拜 tshuā 小弟去 peh 山，tī 山跤看 tiòh _____ 蛇，害伊驚 kah tsit-má 猶 phih-phih-tshuah。」請問空格仔內揀 tó 一个上適當？
(A) 一條 (B) 一尾 (C) 一隻 (D) 一支
3. 「一个查埔人 tī 店門口行來行去，頭家去 kā 講：人客內底先坐一下，『咱』毋知是欲食物件，抑是欲等--人？」請問這句話內底 ê「咱」是啥物意思？
(A) lín (B) in (C) 阮 (D) 你
4. 「阿足 kap 阿彩這對 tâng-sāi-á，親像親姊妹，予人足欣羨。」請問「tâng-sāi-á」是啥物關係？
(A) kīm-á kap 姑仔 ê 關係 (B) 姨仔 kap 兄嫂仔 ê 關係 (C) 兄嫂仔 kap 姑仔 ê 關係 (D) 弟婦仔 kap 兄嫂仔 ê 關係
5. 「Lín 兩人行 hiah 久 ah，庚帖 (kenn-thiap) 有討--無 ah？」請問這句內底「庚帖」會使換做啥物？
(A) 回帖 (B) 母舅帖 (C) 八字帖 (D) 紅紙帖
6. 請問下面 tó 一句 無 hah 台語 ê 語法？
(A) 阿生明仔載有來台南 (B) 阿生今仔日有來台南 (C) 阿生明仔載會來台南 (D) 阿生今仔日會來台南
7. 「阿財最近身體 kò-iunn kò-iunn，面肉攏白_____。」請問空格仔內揀 tó 一个上適當？
(A) kì-kì (B) bông-bông (C) sô-sô (D) tshang-tshang
8. 「氣象報告講這個拜六會_____，出門 tiòh thah 厚 ê hiû-á。」請問空格仔內揀 tó 一个上適當？
(A) 透寒 (B) 透風 (C) 透雨 (D) 透冷

※參考答案：1. (D) 2. (B) 3. (D) 4. (D) 5. (C) 6. (A) 7. (D)

8. (B)

(b) 閱讀理解

1930 年代黃石輝 kap 郭秋生 in 認為用「中國白話文」無法度適用 tī 大多數講「台灣話」ê 台灣人身上，而且 hiàng-sî ê 台灣人 tuì「中國語」無熟手，koh-khah 無法度書寫中國白話文，所以主張用台灣話文來創作台灣文學，引起反對陣營 ê 筆戰，路尾發生「台灣話文 kap 鄉土文學論戰」。這場論戰內底，贊成派 ê 人雖然有寡台灣話文 ê 創作，m̄-koh 數量 siunn 少，tuì 文壇 ê 影響力真有限；koh 因為台語漢字使用無標準化，tsham 日本政府實施皇民化運動，限制漢字等種種 ê 原因，路尾這項台灣話文運動 suah 來煞鼓。

1960 年代王育德 tī 日本發行 ê 《台灣青年》雜誌內底 ê 「台灣話講座」專欄，提出台語書寫 ê 新主張：「漢羅合用」，1977 年鄭良偉 kap 李豐明 tī 美國創刊《台灣語文月報》，kā 漢字傳統 kap 白話字傳統正式結合，到 kah 1990 年代初期，台語用漢羅書寫 ê 勢面，tsiah tàuh-tàuh-á 形成。漢羅合用主要 khioh 漢字 kap 白話字 ê 優點，延續 2 種文字後壁 ê 文化觀點，所以得 tiòh 濟濟人 ê 支持，hām 台語文學運動者 ê 推 sak，tsiann-tsò 現此時台語文書寫 ê 主流。

※ 請根據頂面 ê 文章回答問題：

1. 請問這篇文章主要 ê 論點是啥物？
(A) 台語文漢羅書寫主流 ê 來源
(B) 皇民化運動 kap 台灣話文論戰
(C) 台灣話文運動失敗 ê 原因
(D) 黃石輝 kap 郭秋生對台灣話文 ê 主張
2. 1960 年代就主張「漢羅合用」ê 是啥物人？
(A) 鄭良偉 (B) 蔡培火 (C) 李豐明 (D) 王育德
3. 1930 年代 ê 台灣話文運動煞鼓 ê 原因，下面 tó 一項是正確？
(A) 漢羅合用
(B) 無用「中國白話文」書寫
(C) 台語漢字 ê 使用無法度標準化
(D) 贊成派 ê 人無人用台灣話文創作

※ 參考答案：1. (A) 2. (D) 3. (C)

2-1. 聽力測驗 模擬試題


(a) 對話選擇題 (b) 演說選擇題

本節測驗時間：約略 40 分鐘，以實際錄音時間為準。

配分：每題 3 分，攞總 120 分。

Tī 這個測驗內面咱有分做「對話」kap「演說」2 種題型，攞總 40 條選擇題。第 1 條到第 24 條是「對話選擇題」，第 25 條到第 40 條是「演說選擇題」，請照順序回答。

考生會當參考「問題 kap 答案選項」，kā 答案用 2B 鉛筆劃 tī 答案紙卡頂頭正確 ê 空格仔內底。答 tiòh 1 條 tiòh 3 分，毋 tiòh 1 條扣 1 分，無做答 ê 題目無 tiòh 分嘛無扣分，若是 bē 曉 ê 題目請 mài 作答。



(a) 對話選擇題

【對話第一段】

問題第 1 條：根據對話，台北到高雄 ài 佬久？

- (A) 80 分鐘
- (B) 90 分鐘
- (C) 100 分鐘
- (D) 120 分鐘

【對話第二段】

問題第 2 條：請問這句對話，huah 掛號 ê 上有可能是啥物人？

- (A) 醫生
- (B) 護士
- (C) 生分人
- (D) 提批 ê

【對話第三段】

問題第 3 條：請問，問路 ê 人面向啥物方向？

- (A) 東
- (B) 南
- (C) 西
- (D) 北

【對話第四段】

問題第 4 條：根據對話，tó 一个選項上適當？

- (A) 今仔日較 bē 寒
- (B) 明仔載變 koh 較寒
- (C) 今年較慢寒
- (D) 舊年寒較久

【對話第二十段】

問題第 22 條：根據對話，紹介這項科學新知 ê 人是 uì tó-uī 得 tiòh 這項消息 ê？

- (A) 電視新聞
- (B) 聽 lah-jih-oh
- (C) 報紙抑是雜誌
- (D) 別人 kā 講--ê

問題第 23 條：請問這項科學新知 ê 標題上可能是下面 tó 一个？

- (A) 動物 ê 心電感應
- (B) Kanada 人上 kah-i ê 飲料
- (C) 「偷看」別人 teh 想啥
- (D) 光纖 kah 大腦皮層

問題第 24 條：根據對話，請問這項研究 ê 結論是啥？

- (A) Kanada 人上 ài 用光纖 lim 飲料
- (B) 人 leh kah-i 一項物件 ê 時，頭腦攏會較活動
- (C) 利用光線控制，會當予 80% ê 人 kah-i 全一杯飲料
- (D) 分析腦部活動強弱程度 ê 模式，會使隨判斷一个人 ê 選擇

※參考答案：1. (B) 2. (D) 3. (C) 4. (A) 22. (C) 23. (C) 24. (D)

(b) 演說選擇題

【演說第一篇】

問題第 25 條：根據演說，tī 台灣食刈包有當時會配啥物做伙食？

- (A) 粿仔湯
- (B) 四神湯
- (C) 豬血湯
- (D) 筍仔湯

問題第 26 條：根據演說，台灣人 ài 食刈包，是因為食刈包象徵啥物意涵？

- (A) 長歲壽
- (B) 真幸福
- (C) 會發財
- (D) 會升官

問題第 27 條：根據演說，tó 一項講法是正確--ê？

- (A) 刈包 koh 叫做虎 kā 豬
- (B) 刈包 koh 叫做豬 kā 柑
- (C) 食刈包 ê 時定會叫咖啡
- (D) Hamburg 就是米國 ê 刈包

問題第 28 條：根據演說，tó 一項講法是正確？

- (A) kan-nā tī 尾牙 ê 時 tsiah 會食刈包
- (B) kan-nā 欲改運 ê 時 tsiah 會食刈包
- (C) 刈包嘛號做台灣 ê Hamburg
- (D) 西方國家開始有真濟所在嘛 teh 賣刈包

【演說第二篇】

問題第 29 條：根據演說，上容易拄 tiòh 「語義 ê 空白」ê，可能是下面 tó 一款人？

- (A) 人類學家
- (B) 翻譯者
- (C) 文化研究者
- (D) 歷史學家

問題第 30 條：根據演說，針對「語義 ê 空白」ê 講法 tó 一項正確？

- (A) 語義 ê 空白是一種超自然 ê 現象
- (B) 一種語言當中語義 ê 空白完全無法度揣 tiòh 對應詞
- (C) 兩種語言接觸互相比較 ê 時，tsiah 會發現語義 ê 空白
- (D) 語義 ê 空白是一種文化理論

※參考答案：25. (B) 26. (C) 27. (A) 28. (C) 29. (B) 30. (C)

3-1. 聽寫測驗 模擬試題

本測驗攏總有 40 个雙音節以上 ê 語詞，每一個語詞攏會唸 3 遍。請以聽 tiòh ê 語音，用教育部公佈 ê 台羅拼音正式版來書寫，聲調一律用本調 ê 調符表示，其中輕聲部份，請用雙 hyphen“--”表示。多音節語詞 ê 音節之間請用單 hyphen“-”表示。

※註：有風聲講「教育部閩南語認證」有按算 beh 採用各 20 个語詞 ê 台羅拼音 kap 漢字聽寫 ê 方式。相關資訊請 tsiünn 教育部 ê 網站查詢。本中心辦理 ê 「全民台語認證」 iáu 維持 kan-tann 台羅拼音正式版 ê 聽寫。



語詞聽寫答案紙

准考證號碼：

作答時間：大約 20 分鐘，以實際錄音時間為準。配分：攏總 80 分。

請用教育部公布 ê 台羅拼音正式版來書寫，聲調一律用本調 ê 調符表示。用藍色抑是黑色原子筆作答。作答 ê 時，請照編號 ê 順序 kā 答案寫 tī 空格仔內，tsiah 有準算。

題號	答案
1	bí-phang
2	tsè-tsō
3	un-tsîng
4	pat-im
5	jît--sî
6	
7	
8	
9	
10	
11	
12	
13	
14	
15	
16	
17	
18	
19	
20	

題號	答案
21	
22	
23	
24	
25	
26	
27	
28	
29	
30	
31	
32	
33	
34	
35	
36	
37	
38	
39	
40	

3-2. 口語測驗

(a) 看圖講古 (b) 朗讀測驗 (c) 口語表達

本測驗時間：大約 30 分鐘，實際以錄音時間為準。

配分：每題 20 分，攞總 120 分。

Tī 這個測驗內底分做「看圖講古」、「朗讀測驗」、kap「口語表達」3 種題型。

「看圖講古」攞總有 2 條，第 1 條是 1 格 ê 圖，第 2 條是 4 格 ê 圖，請根據圖 ê 內容來進行描述。每 1 條有 30 秒 ê 時間通準備，做答 ê 時間是 1 分鐘。Tī 時間 koh tshun 10 秒 ê 時，會「tng」1 聲 kā 咱提醒，1 分鐘若到，tiòh-ài 結束。

「朗讀測驗」攞總有 2 篇文章，每 1 篇 300 詞左右。每 1 篇有 30 秒 ê 時間通準備，朗讀 ê 時間是 2 分鐘。Tī 時間 koh tshun 20 秒 ê 時，會「tng」「tng」2 聲 kā 咱提醒，2 分鐘若到，tiòh-ài 結束。

「口語表達」攞總有 2 條，請根據錄音 ê 問題來回答。每 1 條有 1 分鐘 ê 時間通準備，回答 ê 時間是 2 分鐘。Tī 時間 koh tshun 20 秒 ê 時，會「tng」「tng」2 聲 kā 咱提醒，2 分鐘若到，tiòh-ài 結束。

請注意聽錄音說明，按照指示回答。錄音機毋免家己操作，除了耳機、mài-khuh 以外，其他設備請 mài 振動。



監考人員宣布開始回答了後，tsiah 會當掀開試題。

(a) 【看圖講古】

【第1條】



【第2條】



(b) 【朗讀測驗】

【第一篇】

講 tiòh 1895 年「李鴻章」hām「伊藤博文」簽訂馬關條約 liáu，包括台灣尾任巡撫「唐景崧」kap「丘逢甲」等人開始運作 beh 成立「台灣民主國」。唐景崧 in 所提倡 ê 台灣國，年號「永清」，面對清國 iáu 是像獨立宣言內底所寫 ê「恭奉正朔，遙做屏藩」。意思是講，in 是真不得已 tsiah 策動台灣獨立，獨立 liáu in kâng-khuán 甘願做清國 ê「下跤手人」。因為唐景崧等頭人 m̄是真心為台灣建立民主國來奮鬥，莫怪 tng 日軍進攻到台灣，情勢一亂，tsia-ê 頭人 tō 隨人「阿婆仔 làng-káng」、pau-hòk--á khuán khuán leh 趕緊走 tng 去中國，tshun 正港 ê 台灣人留 tiàm 台灣抵抗日軍。俗語講：「牛知死，m̄知走，豬知走，m̄知死」。台灣牛雖然知影大禍臨頭，但是伊 kâng-khuán beh 留 tī 這塊土地奮鬥。

(改自蔣為文 2007《台灣元氣寶典》)

(c) 【口語表達】

【第一條】

Tsit-má 有真濟爸母、阿公阿媽攞 tuè 囡仔講華語，無欲講家己 ê 族群母語。請問你 tuì 這款現象有啥物看法？

